



UNIVERSITÄTS-
BIBLIOTHEK
PADERBORN

Antiquae Lectionis Tomus ...


In Qvo XVI. Antiqua Monumenta Ad Historiam Mediae Aetatis Illustrandam,
Nunquam Edita

Canisius, Heinrich

Ingolstadii, 1601

Epistola Prima. Ad Edilhardum Archiepiscopum. Pio Patri Et Sanctæ Sedis
Præsuli Edilhardo Archiepiscopo humilis Leuita Albinus salutem.

[urn:nbn:de:hbz:466:1-64144](https://nbn-resolving.org/urn:nbn:de:hbz:466:1-64144)



FLACCI ALCVINI
EPISTOLÆ.

EX M. S. MONASTERII
S. GALLI NUNC PRIMUM
EDITÆ.

EPISTOLA PRIMA.

Ad Edilhardum Archiepiscopum.

PIO PATRI ET SANCTÆ SEDIS PRÆ-
sulis Edilhardo Archiepiscopo humilīs Leuita
Albinus salutem.



VDIENS vestræ salutationis ver-
ba dulcissima, & prosperitatis vestræ sani-
tatem, multis pernecessariam, valde me
gaurisum esse fateor; Domini & Dei nostri
IESV Christi deprecans tota mentis ala-
critate clementissimam pietatem, quatenus vestram lon-
gævam custodiat prosperitatem, in augmentum sanctæ
suar Ecclesiæ, vt per tuam deuotissimam doctrinam ver-
bum vitæ æternæ currat & crescat, & multiplicetur nume-
rus populi Christiani, in laudem & gloriam Saluatoris no-
stri. In quo opere te, frater sancte, laborare tota virtute
obsecro. Et quanto plus appropinquat dies remuneratio-
nis, tanto magis mercedis tuæ felicitatem accumulare stu-
deas.

Cogita quales habueris antecessores, doctores, & lumi-
na to-

100 GAN
311
10m, 1m,
SIV
24

na totius BRITANNIÆ. Inter horum sacratissima corpora dum oraueris, illorum precibus certissime adiuuaberis, si ab illorum vestigiis te nec seculi caduca blandimenta subtrahant, nec vani terrores Principum formidantem efficiant. Memor esto semper, quod guttur tuum tuba DEI debet esse, & lingua tua omnibus præco salutis. Esto pastor, non mercenarius; rector, non subuersor; lux, & non tenebræ; ciuitas firma fide murata, non domus pluuiis diruta; miles Christi gloriosus, non apostata vilis; pater prædicator, & non adulator. Melius est Dominum timere, quàm hominem; plus DEO placere, quàm homini blandiri. Quid adulator, nisi blandus inimicus? amos perdit, seipsum & suum auditorem. Isti sunt qui consuunt puluilos sub omni cubito, & oues Christi, morbidas faciunt, non sanatas.

Exech. 13.

Virgam accepisti pastorem & baculum consolationis fraternæ; illam ad regendum, istum ad consolandum, vt merentes consolationem habeant in te, & contumaces correctionem sentiant per te. Potestas iudicis est, occidere, tua verò, viuificare. Quid times hominem propter gladium, qui clauem regni accepisti à Christo? Recordare quia passus est pro te; & non metuas loqui pro illo. Pro tuo amore clavis confixus pependit in cruce; & tu sedens in sella dignitatis tuæ, ob timorem hominis tacueris? Non ita, frater non ita. Sed sicut ille dilexit te, ita dilige & illum. Qui plus laborat, plus mercedis accipiet. Si persecutionem patieris propter verbum DEI, quid beatus? ipso Domino dicente: Beati qui persecutionem patiuntur propter iustitiam, quoniam ipsorum est regnum cælorum. Et: Ibant Apostoli à conspectu concilij, gaudentes, quoniam digni habiti sunt cõtumelias pati pro nomine IESU. Et: Non sunt condignæ passionis huius tem-

Matth. 5.

Act. 5.

Rom. 8.

nor

poris, ad superuenturam gloriam, quæ reuelabitur in nobis. Si corripueris delinquentem, & ad tuam increpationem corriget se, etiam tibi est merces apud DEVM, & sibi erit salus à DEO. Si te oderit increpantem, illi est damnatio, & tibi beatitudo.

Esto miseris consolator, pauperibus pater, omnibus affabilis, donec intelligas, quid cuique respondeas: & semper tua responsio sale sit sapientiæ condita: non temeraria, sed honesta; non verbosa, sed modesta. Sint tibi mores humanitate præclari, humilitate laudabiles, pietate amabiles: vt non solum verbis, sed exemplis erudias tecum uiuentes, vel ad te venientes. Sit manus tuâ larga in elemosynis, prompta in reddendo, & cauta in accipiendo. Præparatibi thesaurum in cælis. Diuitiæ viri, depredatio animæ illius. Quia beatius est magis dare, quàm accipere. Inuenimus vnâ pretiosam margaritam, demus omnia quæ habemus, & emamus illam. Lectio sanctæ Scripturæ sapius tuis reperiatur in manibus, vt & illa te saturare, & alios pascere valeas. Vigiliæ & orationes assiduæ sint tibi, eò magis, quo pro toto populo Christiano intercedere debes. Locus tuus, inter Deum & homines stare, vt Dei legationes deferas ad populum, & pro populi peccatis intercedas ad Deum.

Facte, eius donante gratiâ, dignum, ab eo exaudiri. Dignitas est in vitæ castitate, & prædicandi fiducia, ipsa attestante veritate: Sint lumbi vestri præincti & lucernæ ardentes in manibus vestris: in lumbis castitatis sanctitas; in lucernis prædicationis claritas designatur.

Luc. 12.

Memor esto, quòd Sacerdos angelus Domini Dei est excelsi; & lex sancta ex ore eius requirenda est. Iuxta quod in Malachia Propheta legimus: Speculator quoque est in excelsissimo positus loco. Vnde & Episcopus dicitur, quasi

Malach. 2.

A 2 spe-

REGAN
SII
omg. m. m.
SIV
24

speculator, qui omni exercitui Christi, prudenti consilio providere debet, quid cauendum sit, quid agendum. Isti sunt luminaria sancte Dei Ecclesie, doctores gregis Christi. Isti in prima acie vexillum S. Crucis non segniter subleuare debent, & ad omnem impetum hostilis exercitus intrepidi stare. Hi sunt qui talenta, redeunte Rege nostro Deo Christo cum triumpho gloriæ ad paternam sedem, acceperunt; & reueniente eodem, magno iudici in die vltima discretionis rationem reddituri sunt, quantum quisque ex prædicationis labore lucratus esset in officio suo. Quapropter reipsum, carissime frater, idoneum præpara ministrum sermonis Dei; alios quoque confacerdotes tuos admone diligentissimè, in verbo vitæ cum omni instantia laborare, quatenus multiplici negotiationis lucro ante conspectum æterni iudicis, gloriosi appareant. Estote vnanimes in omni consilio pietatis, & constantes in omni iudicio æquitatis. Nullus vos humanæ dignitatis terror separet, nulla adulationis blandimenta diuidant; sed quasi acies castrorum Dei firmissima vnitæ vos coniungite. Sic tandem concordia vestra terribilis apparet omni qui vult veritati contradicere, Salomone dicente. Frater si a fratre adiuuatur, ciuitas firma est.

Proverb. 18.

Vos estis, dicente veritate, lux totius Britannia, sal terræ, ciuitas super montem posita, lucerna super candelabrum eleuata. Item beato Principe Apostolorum attestante: Vos autem estis genus electum, regale Sacerdotium. Per vestra verò prædicationis instantiam nos erimus, quod in eadem sequitur epistola: Gens sancta, populus acquisitionis; quatenus per vos virtus annuncietur illius, qui nos omnes de tenebris vocauit in admirabile lumen suum. Qui aliquando non populus Dei; nunc autem populus Dei. Patres itaque nostri, Deo dispensante, licet Pagani, hanc

Petr. 2.

hanc patriam bellica virtute primum Pagani possederunt. Quam grande igitur opprobrium est, ut nos Christiani perdamus, quod illi Pagani acquisierunt! Hoc dico propter flagellum quod nuper accidit partibus insulæ nostræ, quæ propè trecentis quadraginta annis à parentibus inhabitata est nostris. Legitur in libro GILDI Bretonum sapientissimi, quod iidem ipsi Bretones propter rapinas & auaritiam principum, propter iniquitatem & iniustitiam iudicum, propter desidiam & pigritiam prædicationis Episcoporum, propter luxuriam & malos mores populi, patriam perdiderunt. Caueamus hæc eadem nostris temporibus vitia inolescere; quatenus benedictio diuina nobis patriam conseruet in prosperitate bona, quam nobis in sua misericordia perdonare dignatus est. Ut hoc ipsum omnipotentis Dei largissima efficiat pietas, vos qui clauem regni cælestis, cum Apostolis, ligandi soluendiq; potestatem accepistis à Christo, aperite assiduis prædicationibus portas cæli populo Dei; & nolite tacere, ne populi peccata impudentur vobis. Requirit enim à vobis animas Deus, quas ad regendum accepistis; & subiectorum salute, vestra multiplicatur remuneratio.

Puillanimes consolamini, humiles roborate, errantes in viam veritatis reducite, ignorantés instruite, scientes exhortantes, & bonis exemplis vitæ vestræ omnes confirmate, contumaces & veritati resistentes virga castigate pastorali, ceteros baculo consolationis sustentate. Et si vnanimés eritis, quis vobis resistere poterit? Vel quis cum Deo pacem habebit, si prædicatoribus suæ salutis non obtemperet? dicente ipsa veritate ad prædicatorés verbi Dei: Qui vos audit, me audit; & qui vos spernit, me spernit. Item ad confortandos eos, illisq; fiduciam ingerendam loquendi sermonis Dei, eadem veritas ait: Quodcunque

Luc. 10.

Matth. 11

A 3

liga-

FLACCI
SII
SIV
24

ligaueritis super terram, erit ligatum & in cœlis: & quodcunq; solueritis super terram, erit solutum & in cœlis: Diuisa est potestas secularis, & potestas spiritalis; illa portat gladium mortis in manu, hæc clauem vitæ in lingua. His dicitur: Ne timueritis eos; de illis dicitur: Qui corpus occidunt, animam autem occidere non possunt. De spiritalibus quoque dicitur: Vbi sunt duo vel tres congregati in nomine meo, ibi sum in medio eorum. Si Deus pro nobis, ait Apostolus, quis contra nos? Si Christus in medio fuorum, quis illis nocere poterit? Idcirco vos Sacerdotes fiduciam habere debetis prædicandi, ceteri verò humilitatem audiendi & obedientiam faciendi, quæ iubetis. Illi, id est, seculares, sint defensores vestri; vos intercessores illorum, vt sit vnus grex sub vno Deo Christo pastore; & fiat hæc patria à bello nobis nostrisque nepotibus conseruata in benedictione sempiterna; vt ex hac mereamur ad illam peruenire quæ finem non habet, & est perpetua pace beatissima.

Deut. 26. Vt ad hanc peruenire mereamur, vos sæpius cum Moyse seruo Dei deuoto pectore dicite: Respice Domine de Sanctuario tuo & de excelso cœlorum habitaculo, & benedic populo tuo & terræ, quam dedisti nobis. Item cum Propheta Ioël Domini cum lacrimis clamate: Parce Domine parce populo tuo, & ne des hæreditatem tuam in opprobrium gentibus. Apostolo Iacobo præcipiente, orate inuicem, vt saluemini: multum enim valet oratio iusti assidua. Item Petrus Apostolus: Omnes vnanimis in oratione estote, compatibles fraternitati, humiles & misericordes. Et vas electionis præcepit, pro omnibus orationes fieri, pro regibus & omnibus qui in sublimitate sunt positi; quatenus omnipotentis Dei gratia populo Christiano tempora cum prosperitate concedat pacifica in laudè & gloriam sancti sui nominis.

Vbi

FLACCI ALCVINI.

Vrbs aeterna Dei, terra sal, lumina mundi,
Bis sex signa poli, menses & ter quater anni,
Atque diei hora, lapidesque in stemmate Christi,
Vestra aperire polum poterit vel claudere lingua,
Doctores vita, magna & medicina salutis,
Vos fontes viui paradisi & flumina sacra,
Vos decus Ecclesiae, populi spes, ianua lucis,
Inclita progenies, Salomonis nobile templum.
Per vos o Patres, nostro sub tempore tota
Virtutum meritis fecunda Britannia floret.
Vos simul vnanimis Christi defendite castra,
Et clypeo fidei tela exsuperate nefanda.
Pectore concordēs, fortes virtute superna,
Iudiciis iusti, humiles pietate modesta,
Doctores populi, ductores & gregis almi.
Semper vbique Deo vos vos estote fideles.
Multiplicate pio percepta talenta labore,
Maxima quod summo capiatis praemia caelo,
Cum Christo & Sanctis caelestia regna tenentes.
Vosque mei memores Christus conseruet vbique.
Alcivine dicor ego, vestro deuotus amori.
O vos pastores patres sine fine valete.
Et tu sancte pater o Eichelharde sacerdos
Iam valeas, vigeas, Christo donante, per ævum.



REGAN
SII
omg am,
SIV
24